

REGIONAL NEWS

HEADLINES:-

1. MNF Party chuan SASCI sum cheng vbc 233 leh nuai 31 hmanlohva kir leh chungchangah a mawhphurtu Finance changtu Chief Minister chuan mipui hnenah ngaihsam dil ngei se an ti.
2. MZP chuan MPSC hnuai, Mizoram Combined Competitive Examination leh ACF hna lak dan chhui tura ruat, Inquiry Officer report chu an pawm theilo tih an sawi.
3. Central Bureau of Investigation chuan Russia sipai hmatawnga awm tura India mi hralha sumdawnna thubuaiah mi pali a man
4. AIR India-a thawk cabin crew te lungawilohna lantira damloh chhuanlama a ruala chawlh an lak avangin Air India thlawhna thlawk tur 80 chuang thulh a ni

<><><>

MNF PRESS CONF

MNF Party chuan SASCI hnuai hmasawna ruhrel siamna tur sum cheng vbc 233 leh nuai 31 hmanlohva kir leh chu Mizoram state leh mipuite tana channa nasa tak a ni a, a mawhphurtu Finance changtu Chief Minister chuan mipui hnenah ngaihsam dil ngei se an ti.

Vawiina MNF MLA-ten Aizawl Press Club-a Chanchinbu mite an kawmna-ah Mizoram Legislative Assembly, Leader of Opposition Pu Lalchandama Ralte chuan ZPM sorkar chu SASCI sum ti lapse tu an nih thu a sawi a, ZPM sorkar chuan SASCI sum chu pe chhuak mai lovin a suasam chu an la thutak hle tih sawiin hemi chungchang hi Mizoram Larsap hnenah an thlen dawn bakah a tul angin Sorkar laipui lamah pawh bawhzui zel an tum tih a sawi a ni.

Pu Lalchandama Ralte chuan tun thla ni 3-a Chief Minister Pu Lalduhoma'n Press Conference a neih-ah Zoram mipuite hmaah thu dik tawk lo chiang takin a sawi a ti a, Chief Minister chuan MNF Sorkar lai kum 2022 atanga 2023-a SASCI Part I sum cheng Vaibelchhe 200 lapse ang a a sawi chu, thu dik lo a ni a ti a, MNF sorkar hnuai SASCI sum an dawng hmanga hnathawh anih hnuah an dawn cheng vbc 460 atangin vbc 260 vel an hmang bang a, chu hu Model Code of Conduct in a phuar zui tak avangin khawih chet lohvin a awm a ni a ti.

Hemi hnu hian ZPM chu sorkar zui ta in sorkar hmasa in dan ang thlapa PWD registered contractor te chu hnathawk hleithei lovin an siam a, SASCI hman dan tur hrang hrang dan zam te zawm duh lovin he sum hi ZPM sorkar chuan a kawltang lui tlat a, hei vang hian an sum dawn leh tur sancation tawh sa cheng nuai 233 vel chu a lapse ta a ni a ti.

Pu Lalchandama chuan ZPM sorkar hnuah contractor hna lo thawk tawh te hna chhuh thensak tuma innawrna a na a, an innawr chung pawh a rei tih sawiin, hetihlai hian Chief Minister chuan contractor work order nei tawh te an tibuaio a ti tlat a ni a ti a, Mizoramah sorkar a inthlak thin a, contractor te sorkar hmasa in hna a peksa inchhuhsak a awm ngai hriat a ni lo a, he kalphung thar hi a mak hle a ni a ti.

He thil chungchangah hian PWD officer te pawh an khawngaihthlak hle tih a sawi baw a ni.

Vawiina Aizawl Press Club a MNF Legislature Party-ten chanchinbu mite an kawmahunah hian MNF MLA 10-te an tel vek a ni.

BJP PR

Hetihlai hian BJP Mizoram chuan Mizoram mipui te'n kalphung thar hmuh beiseiin, ZPM Party an thlang tling a, nimahsela Kalphung thar zuar tute'n a hlui tih dan an entawn leh tho a ni an ti a, mipui zahlohna leh mipui bumna chiang tak ni ah an ngai tih vawiin khan thuchhuah siamin an sawi.

BJP chuan ZPM Party-te kal hmang en hian Mipuiin an beisei Kalphung thar hmuh tur a awm lo hle a, ZPM Party Office-a Minister te'n Departmental Work te pawh Party mite pek chu Party dang tih dan a nih ve tho avangin, an tih ve tho tur a nih thu an sawi ta mai chu pawh an ti a, hei hian mipui Sorkar nilo Party Sorkar tho a nih zia tichiang tu a ni a. Tun Sorkar ah pawh Departmental Work hian pawngsual a tawk ve leh ngei dawn a ni tih a chiang hle ah BJP Mizoram chuan a ngai an ti.

Mizoram mipui hian MNF leh Congress an hnawl na chhan chu Kalphung thar tha zawk mipui Sorkar kan beisei vang chauh a ni a, Inthlan dawn ah Chief Minister chuan, MNF leh Congress te tih ang an tih ve loh tur thu Mipuite hnenah ring takin a sawi chung a, Sorkar tawh te tihdan ang tho an tih ve duh avang hian kalphung thar hi a taka Mizoram in a hmuh a rinawm ta lo hle a, Mizoram mipuite zahlo takin an bum a ni tih hi Mizoram mipui te a hre tu an ni mek a ni, an ti.

BJP Mizoram chuan hetiang taka Mizoramin Political Party an ruih chilh hi ram leh hnam ang pawh a a hnufual chhan ni ah an ngai a, Political Party te'n mipui hmaa an intiamna ang a hma lak hi an tih ngei tur a nih laia, mipui hma a an thutiam te an tih theih loh hnua sawi mam leh chin tawh loh ni se an ti.

<><><>

ZORO

Zo Re-Unification Organisation (ZORO) chuan vawiin khan Chief Minister Pu Lalduhoma chu a Pisa-ah kawmin, India Sorkar in India leh Burma ramri hung a tum chungchang leh Free Movement Regime (FMR) thiah a tum chungchang an sawipui a.

Chief Minister chuan India leh Burma ramri hung a nih loh nan leh zalen taka in kal pawhna dan Free Movement Regime(FMR) hlih a nih loh nan Prime Minister te, Union Home Minister te leh Sorkar laipui thuneitu hrang hrang a sawipui tawh thu a sawi a, Mizoram bikah ramri hung lo tur leh zalen taka in kal pawhna dan Free Movement Regime(FMR) hlip lo turin a ngen tawh a ti a. Mizoram bikah hian central chuan hma a lak loh mai pawh a rinawm a ni a ti.

ZORO chuan India Sorkar in India leh Burma border hung a tum leh Free Movement Regime thiah a tum duh loh lantir nan tun thla ni 16 khian Zokhawthar leh Vaphai hmuna Peaceful Rally a neih tur chungchang pawh Chief Minister hi an sawipui a, Peaceful Rally neih chu Chief Minister chuan tha a ti a, kawng hrang hranga tan tlan a ngai a, kiltin atanga beih ho a ngai a ni a ti.

ZORO chuan ni 16 khian India leh Burma border hung leh Free Movement Regime (FMR) thiah tum duh loh lantir nan peaceful Rally Zokhawthar leh Vaphai ah neih a tum a, ruahmanna a kalpui mek a ni.

<><><>

CADC

Tuichawng bialtu MLA Pu Rashik Mohan Chakma, tuna Chakma Autonomous District Council ni mek chuan MLA leh MDC nihna dan ang thlapin a chelh kawp thei tih vawiin khan Governor Hari Babu Kambhampati an a tichiang.

Hemi chungchanga vawiina Governor thuchhuahah chuan Pu Rashil Mohan Chakma-an MDC leh CEM a nihna a bansan loh avangin dan a bawhchhia tia Pu RM Chakma laka complain thehluh chu a zirchian thu a tarlang a, Pu Rashil Mohan Chakma hian MLA leh MDC bakah CADC CEM a chelh chungchangah hian India Danpui hnuai anmahni kaihnawih dan tesep hrang hrang te bawhchhiat a nei lo a ni a ti a, hemi avang hian a nihna atanga disqualify na chhan tur a awm lo a ni a ti.

<><><>

HORTICULTURE MINISTER

Horticulture Minister Prof. Lalnilawma'n vawiin khan Sairang leh Lengpui a Department Warehouse hrang hrang a tlawh a.

Prof. Lalnilawma chuan ZPM policy tam zawk chu Horticulture department kutah a awm tih sawiin Sawrkar hian hmun hrang hrangah warehouse leh godown engemaw zat a nei a, heng te hi tangkai zawka hman dan an ngaihtuah chho zel a, department dang nena tang kawpin thlai thar chhekkhawl nan te pawh hman dan ngaihtuah chhoh zel a ni, a ti.

Mizorama thing leh maute chhawr tangkai dan tur an ngaihtuah tih sawi bawkin Mizorama mau te chu quality tha tak tak a ni a, mau hmang hian thil tam tak a siam chhuah theih a, meihawl mai bakah furniture tha tak tak, ram pawna thawn chhuah theih khawpa tha a siam theih a, thalai hna zawng mekte leh heti lama talent nei tha tak takte tan kawl a eng zel dawn a ni, a ti bawk.

Prof. Lalnilawma hi Pu Lalthazuala Rawite, Chairman, ZIDCO in a tawiawm a, Horticulture Department atangin Director Pu CH Lalmuanpuia, Additional Director Pu Lalhmingmawia Pachuau, Secretary, Pi K Lalrinzuali, Deputy Secretary Pi Lalremruati bakah staff thenkhatten an tawiawm bawk a ni.

<><><>

MZP

Mizo Zirlai Pawl MZP chuan MPSC hnuai, Mizoram Combined Competitive Examination leh ACF hna lak dan chhui tura ruat, Inquiry Officer report chu an pawm theilo tih an sawi.

MZP chuan he thila felhlel awm ni a an hmuh, hemi avanga MPSC Chairman bang tura an lo phut hial tawh hnuah Inquiry Officer report chu vawiin thlengin MZP hi hriattir a la ni lo hrim hrim ani an ti a, a report hi CM Press Conference atangin MZP chuan a hre ve chauh a, tunah RTI hmangin an dil mek chauh a ni an ti a, tuna report siamtu, leh a chhuitu IAS officer pension chuan MPSC hun rei tak lo enkawl tawhtu a nih avangin, MPSC mualpho loh na turin thutlukna a siam ta mai em ni tih hi MZP zawhna a ni, an ti.

Dik lo thei loa inngai, MPSC hna lak dan hi MZP chuan hriatthiam har a ti hle tih an sawi a. Hna sang ber laknaah, answer paper leh mark tabulation-ah correcting fluid nasa taka hman a ni chungin tihsual an nei lo chu MZP chuan mak a ti, an ti a, duhsak zawngte tih tlin theihna kawngka zau tak System-MPSC-in a hmang a, a himlo a ni an ti

MZP chuan ACF hna lak, exam vek tawh hnuah Answer paper endik loh tur tih chungchang chu Inquiry Officer hian a chhui tel lleh tel loh an hre duh tih an sawi a, Department Recruitment Rules ang ni loa Exam conduct-tu MPSC chuan,

mawhphurhna lain, exam tawh hnu answer paper hi endik tlang ngei se a duh a. Thalai hna zawng mekte inbuatsaihna tithlawn lo se a duh a ni, an ti.

<><><>

CBI ON HUMAN TRAFFICKING

Central Bureau of Investigation chuan Russia sipai hmatawnga awm tura India mi hralha sumdawna thubuaiah mi pali a man. CBI te chuan ramchunga mihring hmanga sumdawna lian tak kalpui mek an manchhuah thu sawiin thalai tamtak chu rampawna hna tha tak tawktarha sumdawna atana hman an ni a ti a. Hemi thubuaia inhnamnawihah puh mi pahnih Kerala-a cheng leh midang pahnih Mumbaia chengte an man thu an sawi a.

CBI chuan hetiang mihring hmanga sumdawna hi pawl angin kalphung nghet tak neia kalpui a ni tih sawiin India mi tam tak chu social media leh an local agent te kaltlangin hlawn tha nei thei anga bumin Russia ah an thawnlut a ti a. Hetiang India mi an thawnte hi Russia-ah hian indo tura lo chher niin Russia leh Ukraine indonaah an duhlo chungin ral hmatawnga awm tura dah an ni thin a ti a. Hetiang mihringa sumdawna kalpui thubuaiah hian private visa consultancy firm leh an agent te lakah thubuaziah luh a ni.

<><><>

AIR INDIA

AIR India-a thawk cabin crew te lungawilohna lantira damloh chhuanlama a ruala chawlh an lak avangin Air India thlawhna thlawk tur 80 chuang thulh a ni. Air India thupuangtu sawidanin cabin crew memberte hi an hriatthiam thu sawiin thlawhna thlawk tur tikhhaihlak a ni chu pawl an tih thu a sawi a. Kerala-ah chuan nizan atang Khan International Airport paliah cabin crew ten a ruala chawlh an lak avang hian thlawhna thlawk hi a khaihlak tawh a ni.

Thil thleng hrelaw lo khualzin tam takin harsatna an taw a, mi thenkhat chu an hna zawm tur a hun taka an inlan theih dawn loh avangin hna chan thei dinhmunah an ding nia thudawn a ni.

<><><>